

陶

齋

臧

石

記

旬齋臧石記卷二十一

唐五

安令節墓誌

石高一尺八寸七分寬一尺八寸三分半二十七行行二十七字字徑五分鐘正書有卷格

大唐故公士安君墓誌銘

并序

進士將仕郎樊陽鄭休文撰

稟淳和以為人含神真以為用在家為孝子在國為忠臣於鄉黨而則恂恂於富貴而不汲汲諧大隱於朝市笑獨行於山林斯則安君見之矣君諱令節字令節先武城姑臧人出自安息國王子入侍於漢曰而家焉歷後魏周隨仕于京洛故今為幽州宜祿人也若夫澶旌鼓吹西臨白獸之躔國界城池北拒玄龍之塞鍾山

瑤樹所以齊其積德閭闔金精所以生其壯氣漢年侍子先虞鳥
城之域魏代侍中爰列蟬冠之地亦由斑家十紀初則朔野揚聲
金氏七貂終以近臣為威祖贍

皇唐左衛潞川府左果毅武

人貞吉智果為毅或奇或正知王帳之英雄千夫百夫識金壇之
卒勁父生上柱國南荆則昭陽始居西楚則共教初作戰功所與
今古榮之君星辰河漢之精泰一終南之氣鴻鶴羽翼雲翥風搏
松栢枝條霜封雪抱處長安遊俠之窟深鄙末流出京兆禮教之
門雅好儒業溫良泛愛之德振人趨急之心固以發自冥機閱諸
天性者矣屬天地大有朝野多歡梁上銀蛇餘祥未竭地中犀犬
積慶仍傳開北阮之居樓南鄰之第翟門引客不空文舉之座孫

館巡才還置當時之驛金輦玉帖連騎而不以驕人畫郊乳犇陳
斯而未為矜俗加以馮良居室端肅如對於嚴賓仇覽宅交矜莊
豈聞於姝狎義之所去縱千乘而猶輕道之所存雖一介而猶重
聲高郡國名動京師豈獨柳市萬章貴人爭惜茂陵原泱羣公墓
之惜夫靜樹含悲壞梁多恨鵠書來赴忽遊司命之天鳩杖有儀
不及鄉亭之歲以長安四年十一月廿三日疾終於醴泉里之私
第春秋六十有子如岳國臣武臣等喪以過哀幾於滅性鄰母聽
哭授箸而輟餐樞馬聞蹄銜薦而落淚即以神龍元年三月五日
葬於長安縣之龍首原禮也通遠平原叅差拱樹三千年之見日
馬識幽泉一千歲之來歸鶴知荒塚乃為銘曰

猗遠祖之楊名桂馥松貞粵夫君兮挺異珠明劔利宿昔何從禮
教為容平生何託琴樽聚樂月之望年之辰石折智士山頽哲人
短歌送葬長笛哀鄰墳橫鳳綬塚次龍鱗夜臺長夜春非我春
渤海石抱鐸書

右唐故公士安令節墓誌攷公士秦爵也漢書百官公卿表
記秦爵二十爵一級為公士師古曰言有爵命異於士卒故
稱公士也新唐書乾封元年正月封泰山禪社首賜文武官
階勳民年七十以上至八十賜古爵一級又神龍元年九月
祀天地於明堂賜文武官勳爵民為父後者古爵一級安君
為公士蓋曾賜古爵一級者也誌稱安君之先出自安息國

王子入侍於漢攷漢書西域傳武帝始遣使至安息王令將
將二萬騎迎於東界因發使隨漢使者來觀漢地以大鳥卵
及犁靽眩人獻於漢後漢書章帝章和元年安息王遣使獻
師子符拔符拔形似麟無角而無王子入侍之文前朝故事賴碑誌
以傳者可補史冊之缺矣安君祖贍唐左衛潞川府左果毅
潞川府唐折衝府張燕公集平冀州賊契丹等露布有左衛
潞川府果毅員外置同正阿史皎安君終於醴泉里之私第
長安志醴泉坊在金城坊次南為唐皇城西第二街十一坊
之一里坊即有烈士臺世傳安金藏之居金藏与令節居同里
時代亦相若或者其族姓歟

錫於素潞即潞執二字古多通假初學記陳沈炯
為太傅錄未詳潞之潞用是潞伊尹作潞師長

劉四思造象記

石象高一尺六寸八分坐高二寸五分廣一尺六分記刻佛坐上十四行行三四字不等正書

大唐神龍元年歲乙巳八月己酉朔十九日劉卯思獻奉為亡妻阿玉敬造弥勒像一鋪合家眷屬咸同斯福

右卯為古文四字阿玉玉字一點在最下一畫之旁尚可見初疑為阿王非也

郭楚璧女十娘造象記

石高三寸四分廣一尺四寸二十行第三第九兩行五字第十

大唐神龍元年歲次乙巳十月丁未朔廿八日甲戌佛弟子旌主義門太原郭楚璧女十娘為继母唐亡過發願敬造觀音菩薩一

軀上為國王帝主下及師僧父母法界蒼生 楚璫四歲同心於
造咸居斯口

太原郭氏自郭林宗後本世為著姓今楚璫自署曰旌表義
門者攷隋有郭世雋文水人家門雍睦七世同居有犬豕同
乳鴉雀同巢之異州縣上其事高祖遣平昌公宇文弼詣其
家勞問侍書御史柳或巡省河北表其門閭隋之文水正隸
太原郡唐初雖改屬汾州然貞觀元年以後則仍屬并州即
太原郡也神龍距開皇時甫百年當不越三世然則所謂旌
表義門者必指此事而楚璫必即世雋之後或其族孫無疑
矣字畫間帶分意唐初書格尚往往如此

門下省行尚書省文刻石

石高一尺零五分廣一尺一寸七分正書

侍中上柱國

下缺

太中大夫守黃門侍郎上柱國臣惟忠

正議大夫行禮部尚書中散大夫守左散騎常侍上柱國臣惟忠

制書如右請奉

制付外施行謹言

神龍二年四月五日

制可

四月六日酉時都事
左司郎中
下直

持符尚書省射中書省事如舊禮部文吏柱國尚書

尚書右僕射關

唐書百官志載唐代文書之制見於尚書省者上達下曰符
下達上曰牒諸司相質曰關曰刺曰移凡符移關牒必達於
都省乃下都省即尚書省也門下省所載則曰奏鈔曰奏彈

曰露布曰議曰表曰狀自露布以上乃審其餘覆奏畫制可而授尚書省蓋三省長官雖同為宰相而侍中本古納言之官故志僅稱其掌出納帝命相禮儀其發行天下則仍由尚書省故惟尚書省用符符者省下於州州下於縣詩所謂賦政於外也此石首行署銜雖缺然侍中二字尚存與其下黃門侍郎給事中皆隸門下省後署制可二字左方署銜則皆尚書省官屬此必門下省行由尚書省轉發之文亦即百官志所謂其餘覆奏畫制可而授尚書省者矣唐因隋制以尚書令及侍中中書令同為三省之長後以太宗嘗為尚書令臣下避不敢居由是僕射為尚書省長官而郎中掌付諸司

之務舉稽違署符目知宿直都事則受事發辰察稽失監印
給紙筆於文書收發各有責成故必署銜於冊此書四月六
日酉時固記其下直之時亦記其受事之時也右僕射下注
一闕字謂之闕者必是此時尚未補人然雖闕必書下直必
書亦可見當時公文程式矣侍中上柱國下石已缺案唐侍
中凡二人正二品中宗紀載神龍元年十月楊再思為侍中
二年三月戶部尚書蘇瓌守侍中是此時為侍中者二人也
以下左右僕射並須署銜例之似侍中二人亦必皆署則此
行必蘇瓌前尚缺一行必楊再思矣其黃門侍郎署名惟忠
案此鄭惟忠也本傳載惟忠仕武后時遷鳳閣舍人中宗立

擢黃門侍郎與此正合尚書左僕射則豆盧欽望中宗紀於神龍元年六月書豆盧欽望平章軍國重事本傳及宰相表所載同傳稱長壽二年封芮國公後書檢校安國相王府長史悉與此結銜合惟本傳載帝復位擢尚書左僕射中宗紀則書特進豆盧欽望為尚書右僕射宰相表亦書神龍元年欽望自特進為右僕射是紀表與傳皆不合今以此結銜證之乃知紀表皆誤惟傳為得其實昇仙太子碑陰有神龍二年捌月安國相王刻石記與此正同一年所列從官人名首即豆盧欽望其結銜與此一一悉合亦係左僕射是又一確證也攷中宗紀於元年書唐休璟為尚書左僕射欽望為右

僕射二年三月書唐休璟罷是闕者左僕射也七月又書魏
元忠為尚書右僕射是必右僕射闕人可知右僕射本欽望
是必欽望已遷又可知以此推之當是三月休璟既罷欽望
即轉左故右僕射闕此文在四月六日時欽望甫遷去原官
未補人故於右僕射下注闕字至七月乃始以元忠為之如
此遞推則情事先後皆合本紀於休璟罷後失載欽望為左
僕射一語遂致糾紛不獨與本傳及碑不符即本紀亦自相
牴牾矣宰相表與本紀正同一誤訥之之名不見史傳開國縣男食邑三
百戶從五品上文安縣隸莫州給事中掌分判省事正五品
上正議大夫則正四品上故帶行字所謂散官高於職事也

太中大夫從四品上黃門侍郎則正三品故帶守字所謂職事高於散官一品也然特進正二品僕射從二品觀欽望署銜則同品僅分正從亦帶行字矣欽望祖父豆盧寬原封芮國公今昭陵墓碑尚在欽望乃襲其祖父封耳都事自晉以後皆曰都令史至隋開皇初始改為都事唐興因之從七品上郎中左右司各一人從五品上百官志載隋廢左右司貞觀元年復置左右司郎中通典則稱煬帝置左右司郎中各一人品同諸曹郎掌都省之職又云今尚書省有左右司郎中各一人分管尚書六曹事不云隋廢唐復也至唐初官名變更不一侍中有納言左相之改黃門侍郎有東臺侍郎鸞

臺侍郎之改左右僕射有左右匡政文昌左右相之改據百官志所載按其年歲均與此所題官名不合惟通典則皆云神龍元年復舊而後與此石一一相符是杜氏較歐公為密矣而亦有與歐志互異者如敘武德四年改納言為侍中歐志則作三年光宅元年改鸞臺侍郎歐志則作垂拱元年案通鑑於兩次改官名一敘於武德三年一敘於光宅元年此又當以通鑑為正而證通典百官志之互誤矣武后紀亦書光宅元年大易官名是紀不誤而志誤也

唐初官名屢改屢從互詳見徐堅初學記

韓君智造彌勒像

石高三寸五分寬六寸六分兩面有鐫像各二中間字三行行十字字徑三分三行之兩面各一行並雙行題名姓又右面像上

橫列六字題名並字徑二分並正書

大唐唐隆元年八月六日韓君智為亡姪女比丘尼造弥勒像一

塔咸登正覺 已上正中三行

亡兄韓君保佛弟子韓君 此二行右之一行

一心供養智一心供養

亡兄妻姚一心供養智妻田一心 此二行左之一行

亡兄妻楊一心供養供養佛

比丘尼迴妃供養 此右有像上橫列六字

按唐中宗景龍四年六月壬午韋后矯遺詔立溫王重茂改元唐隆七月己巳睿宗改元景雲唐隆年號行用祇四十八日故此年號石刻絕少寰宇訪碑錄並補錄祇都大娘造心經一種据會稽趙氏拓本並未見元石也此造像作於是年

八月六日其時改元景雲已逾半月當是君智所居距京稍遠驛遞濡遲尚未聞朝命耳其曰彌勒像一塔與上元三年尚萬寬造像同其兩旁所鐫像竝作跪形當是侍佛者像此石是佛座佛像別在一石也

波斯國酋長阿羅憾上銘

石高一尺五寸四分寬一尺五寸一分十八行行十七字字徑五分正書四周花紋闊二十釐

大唐故波斯國大酋長右屯衛將軍上柱國金城郡開國公波斯君丘之銘

君諱阿羅憾族望波斯國人也顯慶年中高宗天皇大帝以功績可稱名聞□言出使召來至此即授將軍北門才領侍衛駟馳

又差充拂林國諸蕃招慰大使并於拂林西堺立碑我我尚在宣
傳 聖教實稱蕃心諸國肅清于今無事宜不由將軍善導

者爲功之大矣又爲

則天大聖皇后古諸蕃王建造天樞

及諸軍立功非其一也此則永題麟閣其於識終方畫雲臺沒而
須錄以景雲元年四月一日暴憎過隙春秋九十有五終於東都
之私第也風悲蟄首日慘雲端聲哀鳥集淚久松乾恨泉扃之寐
寐嗟去路之長歎嗚呼哀哉以其年 月 日有子俱羅等号天
同極叩地無從驚雷逸墳銜淚石四序增慕無輟於春秋二禮勉
脩不忘於生死卜君宅地葬於建春門外造丘安之禮也

按波斯阿羅憾丁唐高宗朝被召授官爲唐招慰諸蕃勒碑

拂林洎則天朝立功非一新舊唐書波斯拂菻列傳竝失載
阿羅憾仕唐起高宗朝訖景雲初官右屯衛將軍新唐書波
斯傳咸亨中波斯都督卑路斯入朝通鑑高宗咸亨五年十
二月辛卯波斯王卑路
斯未授右武衛將軍死始其子泥涅師為質調露元年詔裴
行儉將兵護還將復王其國以道遠至安西碎葉行儉還泥
涅師因客吐火羅二十年部落益離散景龍初復來朝授左
威衛將軍病死卑路斯父子仕唐其時其官略與阿羅憾相
若而其名之譯音則與阿羅憾迥別舊書與新書異咸亨中
未朝無送返國景龍二
年又未朝
作卑路斯唯舊書則天皇后本紀延載元年梁王武三思
勸率諸蕃酋長奏請大徵歛東都銅鐵造天樞於東門之外

立頌以紀上之功業通鑑云銘他功德唐重周諸胡聚錢百萬億銅鐵買不能足賦民間農器以足之与此銘所云召諸蕃王建造天樞事合阿羅憾能召諸蕃王即儼狀諸蕃王之領袖其地望不在卑路斯下矣又新書波斯傳云天寶時來朝者曰俱爛那疑即阿羅憾之子俱羅羅即爛那之二合音爛那二字急呼之則為羅矣那奴反銘云終於東都之私第也東都即洛陽元和郡縣圖志隋仁壽四年煬帝詔楊素營東京大業四年改東京為東都唐初為洛州置總管府顯慶二年置東都則天改為神都神龍元年復為東都天寶元年改東都為東京至德元年復為東都此銘作於景雲元年在神龍已後天寶已前故曰東都也又云葬

於建春門外造丘安之禮也晉書地理志洛陽故城東西七
里南北九里東有建春東陽清明三門南有開陽平昌宣陽
建陽四門西有廣陽西明閭闔三門北有大廈廣莫二門楊
銜之洛陽伽藍記太和十七年後魏高祖遷都洛陽詔司空
公穆亮營造宮室洛陽城門依魏晉舊門名東面有三門北
頭第一曰建春門漢曰上東門阮籍詩步出上東門是也魏
晉曰建春門高祖因而不改此銘云云則迄唐猶未改矣不
曰墓誌而曰丘銘甚新有所諱耶抑小陵曰丘見博雅丘降於
陵一等書此示寵榮耶昔人僣墓異名如玄堂陰堂神空寔
域之類甚夥得此又增一例矣

上智為玄真造像

石上圓下平高一尺一寸寬五寸五分厚三寸一分佛座高二寸五分二十二行行五字字徑五分正書

大唐故女官諱玄真大上仙苗隴西懿族希夷之體親承老君之妙益易之方迺傳王母之術以景雲二年歲次辛亥四月丙□□已上十行在佛座正面六日辛巳昇化於洞暉觀姪上智瑞慈同拯攀慕無依遂建崇仙宮永流育□已上六行在左側齡萬葉流芳穆尔仙尊千存崇茲靈趾能易雖亡固希其根能益□物云□□已上六行在右側

右造像女官玄真不著其姓據稱太上仙苗隴西懿族知其為李姓矣唐制女官美人才人已下有六尚正五品二十四司正六品二十四典正七品二十四掌正八品見新唐書百

官志補寰宇訪碑錄有亡官六品墓誌無姓名亦女官也誌云粵以良家言充永巷殆即二十四司之職李唐自謂玄元苗裔崇尚道教太平五真皆公主而入道明皇時楊太真度為女道士知宮人入道者多矣唯玄真係宗女似不應給事宮掖所云女官未知是何職司而其姓上智為建崇仙宮尋常女冠未易辨此物力狀則玄真其殆衍派銀潢醉心金籙者歟

王天墓誌

石高一尺五寸四分寬一尺五寸二十六行行二十六字字徑五分行書有墓格

大唐霞士王君墓誌銘并

君諱天字文信太原祁人也自瑞鸞鳥岐姬水鬱興王之氣祥鸞
表化重泉融上宰之風赫弈羽儀蟬聯珪組固可略而言矣考君
卿雄才碩量博聞強記□詞靈翰達變通機屬隨季失金鏡之馭
丘園履束帛之礼乃清虛澹泊含霞噬月無道不仕危邦不居雖
金骨已埋而芳慶尚遠公權天地之粹氣稟辰象之至精歲始鳩
車則對羗羊之辯手猶竹馬方輕猛虎之威泊夫孝悌基心仁明
毓德文武其道溫恭其性每以為時亨主聖耕鑿可以當輕肥
適志安排林園可以縱閑逸乃絕弃人事棲遲潭泉仰周史之育
齡鄙漢臣之傷命雖張衡作賦良願逍遙潘岳裁篇自甘春稅方
之於公錢如也嗟乎星歲無稔運之時芝朮非駐年之術劒履並

聖人琴俱亡天不憖留□此名德以神龍二年七月廿日終於私
弟春秋八十有四夫人雍氏鬱浦騰姿巫山誕粹河陽花白凝出
閣之新粧天上星飛綴承權之媚靨下酌家人之繇傍稽內則之
篇九日則秋菊橘銘三元則春柑獻頌豈只斷機流訓還魚作試
而已哉蘭薰而權玉貞則脆逝水不返行雲其銷以太極元年二
月廿七日終於私弟春秋八十有八即以其年三月十五日合葬
於洹水之南原礼也嗚呼王子喬之鳬舄□看兩隧雷孔璋之龍
劍歎同一運嗣子惟儉哀墊路之長夜痛萬□之不春異圖芳於
玄石庶無晦於清塵乃為銘曰 姬水發源岐山啓祚擁據伊
洛笙歌雲路睭萊仙英令德斯生孤體含有獨運貞明在晦靡晦

□□□□耻齊南郭無配中行賞意琴酒放情巖壑狎鳥非驚觀
魚自樂藹藹英族輝輝麗容好仇秦晉君子之從良宵夢蝶霽景
傾虹鳳去樓靜鸞飛鏡空人代修遷霜露俄旋靈□莫驗瓊草虛
傳形□土壤心識風烟爰依舊地更即新天輶輶既引真祖方設
山似牛眠原同伏鱉壘雲朝暝松聲暮切幽石徒刊清微永絕

太極元年歲次壬子三月甲申建

後魏劉乾字天見金石錄卷二十二此誌王君諱天以天字
為名字未免取類過高宋時禁用龍上玉聖諸字於是句龍
如淵但名句如淵衛上達賜名仲達程振字伯玉改名伯起
余聖求改應求甚至龍脊石改寫鼇脊則又拘忌泰甚皆非

適中之道也。錄薛之錄佩觿集从岳从卜从系。今多誤錄此誌不誤。私弟弟字亦不从。作第从艸。作第。唐時古誼猶未漓。已誌文清麗可意。鳳去樓靜。鸞飛鏡空。直逼六朝名句。序末四句。春塵叶均。則例之創者。唐吳文殘碑有云。夫人李氏。圓姿替月。潤臉呈花。此云天上星飛。綴承權之媚。靨娟容為四德之一。偁道本屬無妨。昔人質直。此等語尤不為諱。特為八十八齡壽母作誌。而迺追涉及此。為可異耳。

鄭玄果及夫人元氏合葬墓誌銘

石高一尺七寸七分。廣一尺八寸七分。三十六行。行三十四字。
正書

大唐故右衛中郎將兼右金吾將軍同安郡開國公鄭府君墓誌

銘并序

粵若誓古周之德也遂宣王母弟倕侯于鄭然後有諸侯邦國焉
武公父子匡政王室然後有周鄭交質焉及其河洛歸已歸鄆獻
邑羔裘所以潤色鴻業鷄鳴所以國諷詁訓而後門見蛇鬪鼎嘗
龜立陽城入晉負黍添韓俗泯時移姓曰國號自茲以降世弗之
賢北海儒門縉紳仰其高躅關西驛騎冠冕欽其甲弟公諱玄果
滎陽開封人也其先祖仕魏名高當代功冠朝倫時島夷弗庭詔
戈未戢迺輟為東侯鎮諸滄海于今袁曹尚守其業祖德通隋
平州諸軍事平州刺史脩以文德服以遠人中外咸甯夷夏弗擾
父仁泰少好奇數預識安危屬隋經綏絀諸侯問鼎人憂塗炭士

弗聊生 武帝建旗侍 鑒輿而吊罪 文皇受禪翊 龍飛以
庠功天下所以削平社稷由其致固除靈州都督左武衛將軍右
武衛大將軍進爵同安郡開國公食邑二千戶實封二百戶銀書
鐵篆山河帶礪卒於涼州都督諡曰襄公起家 文德皇后挽郎
解褐曹王府兵曹趙王府法曹優遊磐石之國馳騁衣冠之地轉
幽州錄事參軍舊周則新平漆縣經紀則提目六曹遷伊州長史
代州司馬自西徂北撫邊鄙以全邦無私徇公佐方岳之半刺未
逾旬月除尚乘奉御閑廐藉其襟帶騏驎資其剪拂遷左率府郎
將乘星夜警趨 少海之波瀾候月春宮仰搖山之氣色除右衛
親府郎將右衛翊府中郎將爪牙 丹禁鈞陳 紫闥以公

恪勤奉職重加朝命仍兼右金吾將軍襲爵同安郡公委以倉廩
留守京師榮深寵厚勲名將衛霍齊駟道合時來賞契與山河共
畢主上深恩侍衛追赴洛陽寄以腹心弗遑靡盬加以劬勞銓
禁夙夜匪懈無甯晏寢遂以膏肓從此弥留方隨大漸以大唐垂
拱元年六月十九日卒於位春秋六十有三則天大聖皇后痛
心哀悼降使臨祭別勅造靈輿給傳郵通送至京宅公與物無
競深恩厚仁嚮風慕義悲感行路夫人河南郡君河南元氏後魏
景穆皇帝第九子南安王禎七代孫右衛將軍壽之姪右驍衛郎
將備之女夫人德潤瑾質數蘭蕙含華方鏡積昭圓流於是占
夢維蛇有巢維鵲佐配君子以降禴狄標梅無虧於三實友桃不

奕於九華既下銅雀之臺遷入和鸞之詠惟量溫麗柔姿閑靡彤
管符於稷下清婉合於淹中詩禮抑揚自有樹花之頌箴規娣姒
非無秋菊之銘不以驕奢而遭鼎俎不以富貴而捐紡績六行克
著四德孔脩信可謂儀形邦教丹青閨訓嗟乎寒泉夕閨風樹晨
搖仙草途遐靈香路邈無復陽臺之雨空餘魏闕之雲春秋五十
有三以大唐永淳元年二月十四日寢疾終於京師龍首里之第
以開元二年歲次甲寅十二月廿九日與公合葬於承平里之原
禮也長子同安郡開國公行閩州晉安縣令常嗣等哀纏殯露痛
結號天嗚呼哀哉改卜有典功成身退雄威將壯氣俱銷位達名
歸墨綬與丹青弗朽閨佳城而鬱鬱瞻大樹而亭亭刻石泉扃

列松瑩表播芳猷於萬古垂令譽於千秋其銘曰

欽若宗周分天錫地邑封十歸派流千祀其政維何平王卿士其
閒維何歸公猜貳歸鄩獻邑周鄭交質詠結緇服符呈丹字互宿
恒明萊山弗圯其姓曰國立人稱賴靈婚冠之鏡縉紳之衡名高
北海價重西京儒門卷舌豪族吞聲推棘知讓駟毛見迎其睢鳩
有德和鸞有閒粉澤閨戶丹青閫門玉折知美蘭權必芬空悲陟
岵徒想幽墳其原隰塊軋煙雲悽慘素駕迴輪蒼山迴瞰松悲月
照禽啼夜感白楊蕭蕭傷心碎膽其

元和姓纂載鄭氏出鄭桓公子孫以國為氏後徙萊陽開封
晉置萊陽郡開封隸焉遂為郡人與此誌合誌並敘鄭國始

末大率出春秋內外傳史記鄭世家及毛詩鄭譜惟史記鄭
韓兩世家俱作負黍此作負黍當是筆誤北海儒門自指康
成關西驛騎當指鄭當時置驛通賓客事誌稱先祖事魏名
高當代功冠朝倫而不書其名攷魏書鄭義傳附列宗族子
姓多至六十餘人無封東光侯者島夷即指南朝劉宋齊梁
諸代魏書於南朝諸帝皆書以島夷且為別立島夷傳是其
證也祖德通隋書亦無傳地理志於北平郡下云舊置平州
德通官平州刺史大約當在隋初矣父仁泰新舊唐書皆無
傳攷通鑑顯慶五年八月左武衛大將軍鄭仁泰將兵討思
結拔也固僕骨同羅四部三戰皆捷追奔百餘里斬其酋長

而還龍朔元年十月回紇與同羅僕骨犯邊詔左武衛大將軍鄭仁泰為鐵勒道行軍大總管以劉審禮薛仁貴為副二年三月鄭仁泰等敗鐵勒於天山三年正月左武衛將軍舊紀有大字鄭仁泰討鐵勒叛者餘種悉平之五月上以涼州都督鄭仁泰為青海道行軍大總管帥獨孤卿雲等分屯涼鄯二州以備吐蕃舊書高宗紀僅書仁泰平鐵勒餘種餘皆不載新紀則歷歷書之據此則仁泰亦當時名將戰功甚著而兩史皆不為立傳殊不可解此誌書仁泰官爵甚詳足可補史之缺惟仁泰兩為行軍大總管誌皆未敘誌稱右武衛大將軍而諸史皆作左未知孰是攷百官志左右武衛大將軍

各一人據通鑑則顯慶五年為左武衛大將軍者乃蘇定方不應同時有二人似當以誌為正武帝謂高祖新舊紀皆云高祖初謚大武皇帝舊書地理志靈州都督府肅宗即位靈武升為大都督府涼州於咸亨元年亦升為大都督府上元二年改為中都督府誌稱仁泰卒於涼州都督而不加大字則其時尚未升可知是仁泰之卒必在咸亨元年以前矣舊書太宗諸子傳趙王福太宗第十三子出後隱太子建成曹王明太宗第十四子繼巢刺王元吉兵曹法曹皆其參軍事親王府有功倉戶兵騎法士七曹幽州治新平縣開元十三年改為邠此誌作於二年故尚用幽字通典載錄事參軍掌

總錄眾曹文簿故此誌謂其提目六曹舊書職官志載上州
有功第戶兵法士六曹正與此合新書增入司田則為七曹
今證以此誌當仍從舊史伊州今哈密為西邊代州古雁門
為北邊故下文云云尚乘局屬殿中省奉御二人正五品下
舊書百官志載十六衛之制有左右驍衛左右武衛左右金
吾衛而首曰左右衛各有大將軍及將軍所屬親衛之府一
曰親府勳衛之府二曰勳一府勳二府翊衛之府二曰翊一
府翊二府每府有中郎將及左右郎將太子左右率府所屬
亦同而品差降凡爵九等四曰開國郡公食邑二千戶正二
品命婦有六四品母妻諸郡君夫人為後魏南安王禎七

代孫攷魏書北史禎皆作禎劉叔房出景穆皇帝十四男惟
文成帝為長子見於本紀其餘次序皆不著據此誌則禎為
第九禎有五子曰英曰怡子孫繁盛皆附見禎傳餘三子無
攷夫人為備女壽姪其淵源莫能上溯矣淹中當是奄中之
誤太平寰宇記引續漢郡國志云奄中古奄國史記云從郭
出魯奄中張茂先云即魯之奄里此與上稷下為對則即魯
奄中無疑閬州屬山南西道晉安本晉城武德中避隱太子
名改邑封十號即號鄆所獻之十邑國語韋昭注十邑謂號
鄆鄆辨補丹依縣歷華也史記集解引虞翻作鄆蔽縣華詩
譜則縣又作疇未審孰是互宿即氐宿此蓋以氐為鄭之分

野也茅山謂茅魏山國語鄭國主茅魏而食漆消韋昭注茅
魏山名玄果以垂拱元年卒夫人又前卒數年乃至開元二
年始葬蓋相距越三十年矣漢書地理志陳留郡

高應墓誌銘

石高一尺八分廣一尺二分
十二行每行字數不一正書

故人高君墓誌銘

并序

緬詠塵史遐探土記則有蒿巖誕粹是生惟岳之賢 渤澥蹠靈
代穆浮陽之傑君諱應字師仁本渤海人也君恭恪柔毅邈澄峻
昊穹昧信有矣福胎以大周久視元年十一月四日遘疾卒於家
夫人孟同郡人也柔章內則□德中宣躬儉家肥孫慈子愛□年

九十二以言開元四年十一月十九日卒即與其時葬城東南十一里平原禮也嗣餘慶泣孤冢枚五胆恐谷從陵移式刊銘頌其詞曰

渤海酌粹浮河效祉猗歟夫君秀靈居此嘉猷寔播里仁為美天不憖留生涯已矣吉龜繇歸魂鳥壘哀以送終千秋此始

右誌署故人高君亦石誌特著名傳之一例誌謂渤海疏靈代穆浮陽之傑及銘詞浮河效祉諸語按魏書地形志有浮陽郡太和十一年分渤海章武置領縣四其二為浮陽注郡治二漢晉屬渤海西接漳水衡水入焉今謂之合口有浮水誌云浮陽浮河均指此皆渤海故實也漢枚乘諫吳王書福

生有基禍生有胎此云有爽福胎意亦相同嗣餘慶下二語
中有缺畫不易推究誌為開元時所刊故不用武后所造車
④等字而大周之號已革猶沿僞之將以靈於土中無人詰
之故耶

張說造像

甄上秋下間左上角故下角及右上角微故高約四寸五分最
寬處厚三寸一面刻佛像一軀六行行九字十字不等字徑三
四分正書

開元六年仲春月廿三日三品黃門將輔國大將軍知方朔軍大
節度使為上宮軍請大法師說經上凡日造佛像廿尊佛上子張
說香花供□

右造像記揭銜知方朔軍大節度使方朔當是朔方之誤按
通鑑開元九年十二月置朔方節度使領軍于都護府夏鹽
等六州宅遠豐安二軍三受降城新唐書方鎮表同十年四
月以張說兼知朔方軍節度使兩唐書燕公傳並同造象記
作於開元六年在朔方節度使未置之先與史傳不合唯據
燕公傳開元八年有朔方大使王晙誅河曲降虜事則是朔
方節度使雖開元九年始置而朔方大使則固前有之或者
當開元六年燕公曾為朔方大使而書造像記者家加增節
度二字故不曰節度使而曰大節度使也其三品黃門將輔
國大將軍傳皆無之凡顯貴者所歷官史多從略不具書不

足異也傳稱宇文融與崔隱甫李林甫共劾奏說引僧道岸
闕訶時事冒署右職燕公平日始喜與縑流往還則造像說
經等事容在所不免耳

幽栖寺尼正覺浮圖銘

石高一尺五分寬一尺二寸四分十五行行十三字字徑六
分正書有基格

幽栖寺尼正覺浮圖之銘

夫登涅槃山者要馮戒足入仙法海者必藉慈航幽栖寺尼正覺
□香鑪頽定水澄清潤三草而布慈雲警四生而靈法鼓不謂三
龍從毒陰宅將危二鼠挺災憂殘意樹遂即傾天秘寶搆此蜂臺
竭地藏珍將營鴈塔其塔乃岩窺入漠與玉兔而爭暉鬼業從雲

共金烏而合曜即顧危藤永茂朽樹長春觀遺情塵間銷意垢
其詞曰 其詞上空二格

皎見碩高菁此臺塔妍嚴疑語凝原擬業

開元六年歲次戊午七月癸□朔十五日丁未建

此二行低一格

道光建元重五汜水令邵堂偕其友吳江潘眉烏程溫萑翔長
洲沈傳桂同觀 題名在銘詞後空處字徑二分

文不甚工字帶隸體云入仙法海者即佛字關中有鄭州刺史
為子禱疾疏亦作此警四生而靈法鼓雷字之省文也銘云皎
見顧高菁此臺塔妍嚴疑語凝原擬業皆以雙聲成文 畢沅中
州金石記

右浮圖銘金石萃編云在汜水縣多寶院洪頤煊平津讀碑記顧高釋領高謂是領字省文今細審拓本實係顧字且銘詞全用雙聲成文領高則非雙聲矣洪釋非也

廣府兵曹賈黃中墓誌銘

有蓋

石高廣各八寸十六行行十六字正書蓋題賈君墓誌四字雙鉤文篆書

大唐故廣府兵曹賈君墓誌銘

并序

君諱黃中鄆郡人也性推明達神氣□□道以經邦文以會友弱冠以齋郎及第調補連州司戶秩滿補廣府兵曹叅軍莅職清明六曹爲寂默陟使以君才堪上佐而沉在下寮遂表奏攝韶州長史位居半刺職亞專城褰帷蒞人下車設教不待暮月而政以

我常以金隣地選石門天末杳榆軼念棄梓勞思因計入朝謝疾
罷職婆娑閭里數年於茲粵以開元六年遇疾至十月□日終於
私第時年五十三以其月廿四日殯於汜水縣東七里原礼也嗚
呼君稚性儉約不好繁華遺令務從薄葬嗣子說咸依嚴訓銘曰
肅肅我君懷義仁于何不臧瘞泉門松檟森森無冬夏長夜漫
何時春

案鄴郡唐以前皆為魏郡至天寶元年改州為郡始更今名
亦見唐書地理志今此誌在開元初已稱鄴郡然則唐志固
不足據耶以齊郎及第者唐兩京齊郎百一十人掌供郊廟
之役祭饗而員少兼取三館學生皆絳衣絳幘更一番者戶

部下蠲符歲一申考太常以十月申解禮部如貢舉法帖論
語及一大經中第者錄奏吏部注冬集散官否者番上如初
賈君得官蓋亦由此廣府者廣州本都督府治所所任兵曹
為府官屬故稱廣府蓋都督所屬有功倉戶田兵法士七曹
參軍事此稱六曹者蓋除本任兵曹言之也刺史之屬七曹
皆同但不曰某曹而曰司某參軍事司戶蓋即其一惟下州
無功兵士三曹耳連為下州故司戶從八品下廣為中府故
兵曹從七品上賈君以司戶為兵曹固由積資升轉若長史
為刺史之貳品漸崇權亦較重故必特奏而後能攝然未經
遷擢故仍以廣府兵曹標題而由連而廣而韶則歷任皆嶺

南道屬境也貞觀八年以李靖等十三人為黠陟大使分行天下此黠陟使之名所自始然後不常置至乾元元年又改為觀察處置使故百官志不載汜水縣地理志繫之孟州以會昌中改為州屬也然自顯慶二年後皆屬洛州則在開元時固洛州屬縣耳誌稱賈君攝韶州長史下云金隣地遐石門天末新唐書地理志金隣唐羈縻州儀鳳元年置隸安南都護府據誌則當開元時金隣曾隸韶州可補史志之闕太平寰宇記引郡國志韶州科斗勞水間有韶石兩石對峙相去一里大小略均有似雙闕誌云石門疑即指此銘詞似詩七言與大和六年梁慶墓誌同漢張公神碑系詩九章棊水

湯湯揚清波朝歌蕩陰及犂陽云云則其所本亦以古矣

旬齋臧石記卷二十二

唐六

李神珙功德廟碑

碑下截殘缺中復斷裂現高四尺五寸許廣一尺四寸上象下記凡十三行行存二十字至二十四字不等正書

李神珙功德廟碑額八字四行在佛象之上書似篆似隸

維大唐開□七年歲次己未二月乙酉朔六日庚寅

夫以法身□寂妙絕名言之表正覺真玄高棲像累之外故知下

慈悲娑婆以引雙流悲智現變王宮鹿談□陪□開誤分天判下

儀開□陰□以立五岳興我一竝行因而置祀張□□乾坤下

教無風穴□之年六藝未粹真為大乘寐成起化平□人佛□下

女無違仰□慈恩尅斯金石三尊□置八陪來臻四衆同歸□
缺下

也 高止人州刺史曾祖兗州功曹曰以高曾授□留滯_{缺下}

居此土築□□而東邁屬澱沿而西流覺電影□湏□表□_{缺下}

祈神廟及□佛慈乃果斯本願報慈恩於先聖周靈影於□_{缺下}

玉石上資 皇帝 陛下歷運萬劫太子諸王業□_{缺下}

萬業蠢動含識皆盡沾恩地獄衆生普蒙解脫爰及師_{缺下}

覺道其辞曰 大哉三世□_其一毫_光翳日輪_其善悟_{缺下}

善哉善哉真寶玄□一立□□□年_其衆生頂礼三_{缺下}

□□□□_{此二行在} 李申琬妻_{此二行在}

□□□提_{篆額之石} □□_{薛氏 篆額之左}

大像主王馬生李大娘薛薛生李二娘李定姪妹四娘此一行在象之右

大像主徐黑妻李二娘李神缺三四字妻甯氏此一行在象之左

以上正面

薛洪璜妻李大娘 故人□□□妻常

王侍封妻李五娘 伊文□妻趙二娘

伊豈百妻李三娘 李思慎妻南□娘

伊方德妻李大娘 李思太妻魏知男

盧阿留妻李六娘 徐法智妻李三娘

徐思忠妻□□娘 徐務其妻李大娘

以上右側 在上截

古人李真寶

李玄德妻平陽郡伊氏

妻王氏

第一列

李玄成妻平陽郡伊氏

李趙生妻河南郡趙氏

張洪太妻趙郡李氏

伊智惠妻趙郡李氏

徐崇謹妻趙郡李氏

第二列

薛德師妻南郡張

薛思貞妻翟氏

丘丘□紀

李思本

薛洪珍

□耕成李思逸

第四列

李趙生 女二□

伊雙留 李遇□

伊名璣 徐懷□

第三列

以上左側 在上截

右碑篆額殘缺首三字尤不可識賴左旁有李申琬妻題名雖亦經泐損然互勘之始知為李神琬三字且始知為人名案爾雅木自斃曰神義涉不祥不應命名觀下復有李神□題名左旁從示始知篆額之神亦是神字其變示作木則好奇之過耳窮字字書所無意當即廟字觀文中有所神廟語亦可證也

呂文倩墓誌

石高一尺二寸寬一尺一寸七分十九行行二十字字徑四分
正書有墓格

大唐故左威衛洛汭府兵曹參軍呂君之誌

君諱文倩東海郡人也呂太公之苗裔曾祖朝議大夫通縉紳領
袖人倫綱紀祖朝議郎德頻厯四邑稱繁列位考正騎都尉普取
獨秀山濤飛晉朝之逸響孤貞耿潔振魏代之英傑武騎尉文林
郎解褐守左威衛河南府洛汭府兵曹參軍君以爵祿為惠蓋賞
其能富貴為榮斯稱其職惟有賓德于君君幼而奇瑰長有矩
操沙汰幽明涵以優劣朝端有用清幹德美名存竹帛聲著縑緗
儒雅風流莫不規矩弱冠昇朝春秋卅有三不期奄逝泉臺長辭

紫闥棟樑之材未展摧山之振遙臻日月遶還東海變成田
之家所以宴隨月落槿逐朝虧信造化之自然非人事之可測乃
為銘曰 森森長源悠悠太□避地商洛杭高賓心長情魏君宣
風晉帝替組繼軌忠貞并母并世伊何金貞玉幹惟祖惟考克明
克斷吁嗟呂君清幹獨潔德行雙美無慙桂哲悲吹入松愁雲蔽
月見之摧心聞之嗚咽踰路已掩蘭缸不開哲人斯邈瘞此山隈
永然崧冥長歸夜臺

開元七年歲次己未六月十八日癸酉妻程氏立

右墓誌標題呂君揭銜左威衛洛汭府兵曹參軍洛汭府唐
折衝府屬河南道河南府新唐書地理志河南府有折衝府

三十九其十六曰洛汭府百官志左右威衛兵曹參軍事各
二人正八品下末行開元七年歲次己未六月十八日癸酉
按通鑑目錄開元七年六月戊午朔十六日直癸酉若十八
日癸酉則月朔當在丙辰此必誌之誤也此墓誌不詳卒葬
年月及葬所亦變例殊廬見

葬世作并世往哲作杜哲家作
家莫作莫然作墓墓作墓墓作墓

張氏郭夫人墓誌

石高一尺一寸六分寬一尺十六行行十八字字徑五分正書
有墓格

大唐張氏故郭夫人墓誌并序

蓋形消天地氣稟陰陽雖天壽分其兩端而生死齊乎一致夫人
郭氏諱華嚴太原□□□□父葬並河朔英傑山東領袖夫人資

坤毓粹則父呈祥夙奉歲訓載光儀範年十有六適于張氏柔順
之敬詞色弗違承祧之禮享奠無闕至於悲齊四德勤修衆行烈
婦仰其嘉猷里族欽其盛德攝理乖候因成沉痾粵以大唐開元
七年十月十四日終於寢閣春秋三十有二嗚呼哀哉潘生張裏
空餘拂簟之悲張子臺前無復畫眉之寵卽以其年歲次己未十
一月乙卯朔七日辛酉殯於相州城西北二里祔于大君之舊塋
禮也嗟乎歲時流謝陵邑貧遷式紀貞石用彰不朽其詞曰
春林布華朝雲散葩克昌母訓聿光嬪則迺孝無替其儀不忒悠
哉萬古欽茲四德

右墓誌烈婦卽列婦西魏焦延易造像記威列將軍唐木淵

魏夫人祠碑仰追前列列即烈字此用烈作列列烈可互通
矣帳裏即帳裏唐濟濟廟北海壇祭器碑帳簾一案帳作帳
梁方并夫人張氏墓誌銘

石高一尺一十八分廣一尺一十六分十八行行十八字正書

大唐梁處士張夫人墓誌銘

并序

君諱方字遠開元四年八月卅日卒安定人□原夫派流承消承
百代之華英奕葉枝繁冠□齡之盛茂夫人張氏白水人也族承
西嶢漢相留侯之苗望秩南陽晉寧司空之業曾祖諱奇祖
諱利並衣纓赫奕為朝野之楷模簪笏蟬聯作天庭之軌則君子
然池沼瀨流水以怡神獨坐丘園瞰煙霞而養性夫人笄年奉第

承君子之渥恩慕齒侍帷沐哲仁之厚德忽以妖鴛拚禍華他之
術難康恠鴛為灾鵲鵲之鑿罕愈而春秋有六十有一以開元八
年歲次庚申廿六日乙亥寢疾於私室其息小冲泣血千條其女
有丸腸迴万斷即以其年十月廿三日合葬於相州城西五十里
平原礼也何期勛業再合琴瑟重諧匣劍沉而更浮井桐枯而還
茂左對光嚴之寺右臨太行之嶺前□寶山之峯□背白磨之岳
唯恐年移代謝谷變陵遷□□勒銘傳芳万古其詞曰 天地兮
流轉日月兮

唐之安定郡安定縣至德元載皆更名保定此誌在開元中
故猶稱安定漢南陽郡蔡陽縣有白水鄉在今襄陽縣東南

元帝時春陵侯仁徙封於此光武起春陵故有白水真人之
識西鄂亦漢南陽郡屬縣以別於江夏之鄂故稱西鄂今變
鄂為嶧則異文也安定白水皆舉其望而言安定本梁郡望
南陽白水當亦為張氏之望如魏張猛龍為晉西平公軌八
世孫則本安定烏氏人而碑稱猛龍南陽白水人蓋舉其望
也潛研堂跋尾據晉書軌傳謂當以史為正疑碑不足憑不
知碑係舉郡望固非與史抵牾也攷兩漢如張釋之張堪張
宗等皆南陽人後代南陽張氏見於史傳者不絕而後漢張
衡為南陽西鄂人傳稱其族世為著姓然則南陽為張氏郡
望無疑矣誌於夫人之歿書年書日而不書月當係脫漏惟

其銘詞竟成未了之語殊不可解哲仁即哲人古仁人通用
他佗一字出字字書所無案當是出字說文出陬隅高山之
節从山月左思吳都賦黃緣山嶽之出注山曲曰出

韋□損墓誌銘

石高一尺一寸八分廣一尺一寸一分微
強二十一行行二十三字界有棋格正書

大唐故朝議郎京地府功曹上柱□韋君墓誌銘 并序

君諱布損字又損京北杜陵人也□□祖量魏散騎常侍 缺 高祖

瑗隨陽武令瑗生曾祖知□□□建伯勲領幽州刺史生□□儉

儉早終生考嗣業東□□□□為蓬閣之秀君即秘書公第二子

也少孤而元兄又歿愛子□□鄉黨嘉焉□則不固主忠信□有

餘力而親仁□□□□馬遷之史□而冠同先儒之經起家國
子生□於□州城固主簿一命隨□□以威□經懷三載視□□
□使勞屑意秩滿厯渭南□□二縣尉下車未□穆如□□時京
尹河東薛□□偉君□□引為四部尉□□萬年□□自西徂東
政不□□□□鼎□許□者久之□□□京地府功曹□歎後
時□嘗應制和蔡孚偃松篇□□已成無所用唯將獻壽荅堯
心□子稱之深以為賞□□刺史由是不□得而求進每推遭遇
□遭機匪□君子道消日月逝矣終而為恨其唯君乎享□□十
有三開元七年八月九日傾于新昌里第之中堂先是誠次子璜
玉曰昔有虞氏瓦棺夏后氏聖周□德下衰以寶玉崇寔浮侈萬

目我不忍為也不諱之日尔其誌之及渾金等鞠然在艱罔知所
從乃祗遵先訓卜宅之□以開元八年歲距庚申□月□日奉神
輿權安厝于城東南曲池里禮也櫬中唯貯紙筆古集六卷設熬
置銘其詞曰

我祖括予我君其繼小子各天子不孝于世松楸日已拱 尊猷
靡翳予

子璞玉撰文

右韋君之先自量以及嗣業皆無考其曾祖下有建伯勳一
語當是從唐高祖元從之功官幽州刺史者與高祖改郡為
州改太守為刺史正合其父嗣業官秘書省故有秘書公之
傳韋以國子生任為城固主簿其州上蝕去一字應是渠字

城固屬梁州漢中郡開元十三年改名褒州韋卒於開元七年知仍為梁州也誌言京兆尹河東薛□□偉君引為四部尉考舊唐書職官新書百官志並無四部尉之名六典云後漢有東部西部南部北部尉魏氏因之皇朝武德初始置尉六人此云四部尉當存以俟考又其應制和蔡孚偃松篇云云皆逸事無可取證此誌漫漶已極於日中諦視一時許始能釋文如方韋君以璞玉渾金名子隱以山巨源相期又以應制和詩得名亦可謂風流好事者乃無他書證君仕履殊為可惜文中言設熱置銘熱之字畫顯豁此義於古無徵究不知為何字之誤也

涇陽縣開國男張思道墓誌銘

石高廣各一尺五十二分二十四行行二十四字字徑四五分
正書

唐故□陽縣開國男行□州司兵參軍事張府君墓誌

并序

夫功崇惟志業廣惟勤才子趙班垂衣遺長忠臣奉國文忠□成
前詒克罔彝倫優循傳乎載籍君諱思道字勤王京地涇陽縣人
也門承鍾斷代襲珪璋氏以因生斑隋地進才華挺出文武秀成
微諧聖謨敷奏天闕薦文儒則清河吐月僉武士則黃石關符
列史攸存遺編可驗者矣曾祖魏輔國驃騎大將軍西郡公謚曰
恭雄風賞代壯氣凌雲長劒倚天揮戈退日祖隋胡勝二州刺史
皇朝梁州總管謚曰順襟靈雅濬志節貞明來蘇遠謠惟良是

賴位昇九伯名震二朝父金紫光祿大夫司取正卿贈原州都督
謚曰安曠代逸才博文多藝僉能見寵位處刻卿 帝曰汝諧星
光照隴功成身退歸驂華山始韓九□之榮終贈一藩之寄公息
理清遠心鏡冲虛膺五百之賢臣□千季之 聖主解褐授綿州
衆軍親□ 紫禁遣□ 丹墀□國門而斷心瞻岱峯而謝魄自
同州□兵叅軍事如□元季十月廿八日殞於私第年五十有
四以開元九季十月十日遷祔于幽州宜祿縣之西原礼也嗚呼
哀哉詰人長謝魂兮遙遙□默斯隔靈龜啓地仙鶴占墳一代英
雄玉顏掩晦万昔今譽金石流芳亦詞曰 望自西涼乘雲 □
鄉來朝 北極錫命南陽門傳將相代襲珪璋猗歟宗祖永嗣無

疆一師尹赫赫功業巍巍根深葉茂泉廣龍歸二朝徽辟九食
輝百城仰則千里宣威二代秩公卿雅譽清英天王三詔駟傳
聲京西戎退境北狄銷兵喆人四逝牧馬悲鳴五承恩紫庭贊
洽貝城琴前雉雄鏡下鸞呈月滿則缺天道惡盈六逢淪翳終興
康甯七清河霧散黃石霞霏庭蘭掩馥八桂沉九哺鳥群集愁雲
亂飛

誌敘曾祖以下皆不書名北魏唐書諸人官謚無相合者無
從攷定西郡西魏時廢此封西郡公則在未廢之前也勝州
大業初改榆林郡胡州無攷案今山西臨縣永甯州後周曾
置窟胡定胡二郡蓋以劉淵都此得名隋開皇中廢二郡併

入石州後又改離石郡豈中間曾改胡州而史失載耶春秋

胡子國在今潁州府阜陽縣境

漢書地理志云汝陰縣故胡國

自來無胡州

之名然秦叔寶封胡國公知當時必有其地矣唐太僕寺永

徽中曰司馭寺正卿一人從三品標題二字缺泐難辨據誌

文知為涇陽及同州如下所泐自是意字開元十三年以幽

州幽字類幽改為邠州誌作於九年故仍作幽州宜祿其屬

縣也書者喜用古體亦多俗字元當即克說文𠂔為古文番

集韻𠂔古作𠂔說文番訓獸足番𠂔蓋是一字然皆於文義

不合楚辭湘夫人隸釋橫海將軍呂君碑皆有𠂔字二洪氏

皆以為古文播此或近之後字亦字書所無據文義當即後

字薦當即用作薦會當即命万音當是萬春如上文春秋春
字泐存其半觀其筆勢似正作音則二字可互證而知也亦
古其字集韻其古作丕銘詞當尚有二句蓋因愁雲亂飛已
當石盡處故未竟其文非斷缺也

銘於宋長安三年張嘉謨
後梁穆君弘誌後並作後

高福墓誌

石高二尺四寸寬二尺三寸八分二十七行行二十七字字徑
六分鐘正敘兼行書

大唐故中大夫守內侍上柱國渤海高府君墓誌銘

并序

麗正殿修撰學士校書郎孫翌字季良撰

夫勞息之理達人一之然時官

大明職近

皇位父

子併肩而事

主君臣同體而多歡而万石之慶一朝無怙可不悲矣府君諱福
字延福渤海人也啓土受氏明諸典篇曾祖權祖祖父護並祿如
石焉服有全操安時處順憂患不能入德念室愆軒冕莫之榮且
豈貴隨時雖明尊祖我府君始議從政有光前烈傳曰九變復貴
知言之選此之謂矣府君幼而晦名長而藏用體敬仲之慎兼伯
楚之忠解褐拜文林郎守美官丞秩滿還本局令稍轉官闌令兼
謁者監竊以聖人之教父因子貴府君之寵嗣曰力士

我大君之信臣也頃國步多艱而守謀立順以功拜右監門大將
軍兼食本邑盡力

王室志在匡輔元勲爛然

天眷

攸屬府君以大將軍之故特拜朝議大夫守內侍負外置尋遣中

大夫正除本官出入四代凡更六職行不違仁言必合禮由是無
黜擯無怨尤恭而能和簡而且肅德著於宮掖名成乎寮友而累
命不融識者歆歆以開元十一年十二月廿五日終于耒庭里之
私第春秋六十有三大斂之日天王遣中使臨弔賻絹三百匹明
年太歲在甲子正月壬戌朔廿一日壬午遣定於京兆府白鹿原
之西隅禮也緣喪事儀衛並皆官給可謂哀榮始終禮洎泉壤初
府君旁通物情往往造極以為生者神之主死者神之歸歸乎本
真曷足懷也乃謀龜筮相川原經北域畚封塋自為安神之所而
松楸蒼然矣君子謂高公於是乎知命府君自公之餘存乎上善
每持專一之行深入不二之門範聖容寫真倡雖衣食所窘此心

不易斯又迴響之能事也將軍茹荼長跽哀述舊德竊慙不敏敢
讓其詞銘曰

佳城一閉兮三千年棘人樂樂兮訴

訴字右偏泐據古誌石華補

窮泉出郭門

而一望兮見隴樹之生煙君宜見賓御之惻默皆撫墳而涕漣

右內侍高福墓誌按唐書力士傳力士本馮盎之曾孫中人高
延福養為子史不云名福者以字行也碑云頃國步多艱而守
謀立順謂誅蕭岑等功也尹知章傳季良偃師人一名翌仕歷
左拾遺集賢院直學士趙冬曦傳與校書郎孫季良入集賢院
修撰碑稱麗正殿修撰學士者開元十三年始改麗正修書院
為集賢殿書院其時尚未改名也季良以字行故書名兼及其

字 錢大昕潛研堂金石文跋尾

福字延福武后時中人初為美官局丞轉局令再轉宮闈局令兼內謁者監以養子力士貴拜中大夫守內侍上柱國新書力士傳云力士幼與母參相失後嶺南節度使得之隴州帝為封趙國夫人而追贈其父廣州大都督福與妻侍養亦與參均舊書云力士義父高延福夫妻正授供奉與碑稱仿佛皆合力士以誅蕭岑功拜右監門衛將軍碑云大將軍蓋史是唐制左右監門衛大將軍正三品將軍從三品力士之封大將軍在天寶初此時未得稱此也中官以內侍為最貴內侍拜將軍自開元以前無之唐六典云中官之貴極于內侍若有殊勳懋績則有

拜大將軍者然仍兼本職六典作于是時殆即因此等事言之耳 此碑向在農家幾為柱礎者數矣乾隆辛丑五月余以二萬錢購得之今移置于雲巖山館

畢沅關中金石記

張說為高力士撰祭文云小子不天夙齡凶閔身嬰冠刺家值虜裂幸充掃洒遂蒙侍從又云阿母遠至於京華妹兄自拔於泥滓與新唐書力士本傳語合而如孫翌墓志則一字不提直云聖人之教父因子貴府君之寵嗣曰力士云云殊失紀實之道然據張說云云則力士特一粵東姓馮者耳而力士碑乃妄以為馮盎之後則非也

王鳴盛蛾術編

按碑云府君諱福字延福兩唐書高力士傳俱直作高延福舊

唐書傳云高力士潘州人本姓馮少聞與同類金剛二人聖歷二年嶺南討擊使李千里進入官則天令給事左右後因小過捷而逐之內官高延福收為假子延福出自武三思家力士遂往來三思第開元初力士加右監門衛將軍知內侍省事義父高延福夫妻正授供奉嶺南節度使於潘州求其本母麥氏送長安令兩媼在堂備于甘脆金吾大將軍程伯獻與力士結為兄弟麥氏亡伯獻於靈筵散髮具饘經受賓帛荅十七年贈力士父廣州都督麥氏越國夫人新書傳云高力士馮盎曾孫也力士幼與母麥相失後嶺南節度使得之隴州迎還不復記識母曰甯有七黑子在否力士袒示之如言母出金環曰兒所服

者乃相持號慟

餘與舊史同

新書馮盎傳盎字明達高州良德人隨

煬帝時拜漢陽太守遷左武衛大將軍隨亡奔還嶺表據有番禺蒼梧朱崖地自號總管武德五年降高祖授上柱國高州總管封越國公子智戴春州刺史智或東合州刺史盎徙封耿盎卒贈左驍衛大將軍荊州都督子十三人據傳稱力士為盎之曾孫据馮君衡墓誌銘

張說撰詳下文

則力士為盎次子智玳之孫君

衡之子不知因何君衡亡後寇剽虜裂致有麥氏與力士母子相失之事碑云聖人之教父因子貴府君之寵嗣曰力士蓋不直言繼子也攷張燕公集有內侍高君神道碑則云內侍高延福者將軍力士之嗣父也將軍本系馮亭代家南越未知父母

來奉宮闈老而無子曰悲幼而失親曰苦父子之名既定姓氏
之目因移至矣哉高氏之子以思親之願而展親以欲報之誠
而報德乃有傍求聖善提挈炎州二紀積離萬里遙至音容莫
識涕對茫然驗七星於子心認雙環於母臂於是盡歡兩媼兼
敬三人羣公賀虞潭之親天子恤馮勤之母內侍享年六十有
四開元十二年終于來庭里明年五月葬于長樂原繼子力士
喪孺慕而加等葵盛誠而備物云云此文較碑為詳覈且可與
兩史傳所載馮氏父母事互相發明也惟是享年六十四碑作
六十三開元十二年終于來庭里碑作十一年明年五月葬于
長樂原碑作正月彼此不同據碑云太歲在甲子正月壬戌朔

廿一日壬午以通鑑目錄推之甲子歲是開元十二年為高福卒之明年是歲二月辛卯朔正月是壬戌朔與碑合則燕公集傳刻誤也碑云遷窆于京兆府白鹿原之西隅燕公撰神道碑作長樂原按元和郡縣志白鹿原在京兆萬年縣東二十里長安志云在縣東南二十里至長安志有長樂坡無長樂原疑即長樂坡在長安縣東北一十里即滹水之西岸十道志曰舊名滹阪隋文帝忌之改曰長樂坡漢長樂宮在其西北也是長樂坡與白鹿原道里有東南東北之別則未詳孰是矣碑云謀龜筮相川原經兆域畚封塹自為安神之所松楸蒼然此蓋自營生塋也墓志記生塋始見于此力士之本生父馮君亦見張燕

公集有贈潘州刺史馮君神道碑云公諱君衡文苑英華字正

平祖盛二子知璣新唐書馮盛傳作智載高州刺史傳作春州子知玳傳作思

州刺史傳作東公荊州之孫恩州之子開元十七年五月十二

日薨于西京來庭里粵八月二十二日文苑英華作安厝于長

樂原之新城英華作城恩詔追贈潘州刺史招魂而合葬焉此文亦

可與高福碑誌及兩史傳互相發明因附錄之招魂合葬事亦

始見此文王昶金石萃編錫齡素為公集之知或當即新唐書之智哉音同字

是誌向在長安為畢弇山尚書移至靈巖山館今所行者長安

木本也福武后時中人高力士之父新書力士傳云本馮盛曾

孫中人高延福養為己子遂冒其姓延福即福字也撰文之孫

盟中州金石記謂為偃師人前郭思謨誌亦盟所撰自署云進士吳郡孫盟蓋孫氏為三國吳之後吳郡其族望偃師其寄籍也誌中並肩作併肩萬作万延作延冊作冊介作矸冤作冤訴作訴守內侍員外置下當有同正員三字

黃本集古誌石華

按誌云終於來庭里之私第長安志丹鳳門街東來庭坊本永昌一坊之地與翊善坊同分

朱雀街東第三街即皇城東第一街街東從北第一曰翊

善坊其西宅坊丹鳳門街至此而絕內侍高延福宅在焉隨

書百官志言仁壽三年京都諸坊改為里皆省除里司官以主其事則里本即坊也坊与里可通稱

宋運妻王氏墓誌銘

石高廣俱一尺九寸四分微弱二十
四行行二十六字界有棋格正書

大唐故右金吾衛翊衛宋府君夫人墓誌

并序

夫千雲峻岳至乎廣者為先靈攬神顏存乎庇者為重靖恭尔位
本貴有孚惟賢是興亦克用乂是知誓古之力不可假人詞翰之
間無容竊吹人之若此物亦宜然府君姓宋諱暹字簡微子之後
廣平人也有道其先芳名播美氏興玉葉族貴金榮源流寔繁於
茲為盛以永淳二年二月八日卒於高陵清平歸義里私第春秋
三十有一曾祖師隨隴州汧源縣令祖其唐洪州司馬父柱唐左
驍衛長史上柱國各以位寵吾賢前英後俊門傳簪獻代襲冠纓
義涉潘江文窺筆海並乃早迄荒煙久積歲年惟君夫人王氏周

靈王後太原人也或氏因分著盛枝葉於中區或名與篇聞震英
雄於隣國貴之綢帙可略而言逮乎祖考簪纓即其後也夫人夙
承幽閭內順柔儀符婉泚於深衷應標梅於庶士是知承家不墜
主饋無違志操霜明貞懷雪淨不幸良人早背獨守偏孤鞠稚子
之單居念仳仳而不忍情非再醮意樂三從如愚管窺請令守志
自曰來馳誠淨土銳思弥陀和雅之音周遊娛耳功德之水清泠
滌心苦行持齋精勤戒道施之非恡取亦無貪廣運財成弘數妙
樂忽嬰疾滅影泉垠大體同歸浮生獨阻以開元十二年二月
十一日卒於京第休祥之里春秋有七十嗚呼哀哉孤子痛晨昏
之永隔哀侍奉之無從乃眷匪甯遵顏侍即攀歸杖起泣血終朝

念相勛勞昊天罔極今敬占遷合年地已從隨彼良辰營茲寶塔
粵以開元十二年五月十四日葬于京城之西南高陽原三會寺
舍利塔南之所其地蕩蕩平原周維封域森森古樹密迤園林淥
池可以應生紅蓮芳其永久故宅其所而安措之舉其存亡題之
金石其銘曰

啓夕門側霞光告時嘶騎陪乘凶旌引輅雙遷寶塔孤子哀思霧
色添慘風聲助悲想幽途之長夜望白日兮何期

右按宋君厯官為右金吾衛翊衛唐書百官志左右金吾衛
凡翊府之翊衛及外府之伙飛番上皆屬焉翊衛有隸左右
驍衛左右武衛左右威衛左右領軍衛左右金吾衛之不同

宋君之甥衛乃隸右金吾者甥衛為正八品上宋君之曾祖

官隨隴州汧源令按隋書地理志

本應名五代史志此從俗稱

扶風郡汧

源縣下云有西魏東秦州後改為隴州大業三年州廢其曾祖之官當在大業三年之前洪州唐屬江南西道唐志上州刺史有司馬一人又左右衛有長史各一人武后光宅元年改左右驍衛曰左右武威宋君之父官左驍衛長史亦應在光宅之前可知宋君既早世夫人厲志撫孤息心淨業有足多者潘安仁寡婦賦鞠稚子於懷抱羗低徊而不忍此文鞠稚子二句即用潘語宋敏求長安志朱雀街西第四街之南有休祥坊夫人卒於京第休祥之里即此惟其子葬母不言

與其父合祔乃以優婆夷禮營塔葬之銘云雙蓮寶塔似又
父母共瘞一塔唐人佞佛成風不足為怪長安志言高陽原
在長安縣西南二十里與此誌言京城西南相合三會寺則
不知所在誌文頗工書法亦極似褚登善臧弄得此殊可第
為上品矣

吳善墓誌

石高寬各一尺三寸五分十六行行十六字至十八字不等字
徑六七分正書有墓格蓋高九寸二分寬九寸二行行二字字
徑三寸強弱不等篆書

吳君墓誌

蓋

大唐故吳君墓誌銘

并序

君諱善字積善江南渤海人也周太王之太子太伯之後隱居吳越三讓不奔名流衛魏九德該脩曰官散落寓居淦陽故今為縣人焉祖父掌珪璋疊映瑚璉重輝洪範九疇之器連卧錄三德之亮比君西可賞性北海怡神雍容風月之下縱志烟霞之上或九能曜德洙南泗北之風或七札宣威郁郁桓桓之勇豈乃福緣奄去示地起於青烏禍曰倏來流災成於白雉春秋五十六終夫人劉氏以開元十二年十一月廿六日合葬於八特村東北三里原禮也嗣子玄湛啼痕滿路泣霰流郊思染麻以豐遷故勒銘而頌曰 鬱鬱佳城幽幽窀穸古來賢行今時人物一入泉門再無出日連連涕泣攸攸閤室後摺韜文前賢閣筆

誌稱吳君江南渤海人攷兩唐書地理志江南道竝無渤海
縣唯魏書地形志海州東彭城郡有渤海縣蕭衍置清河縣
武定七年改其地唐時當屬江南東道台州臨海郡作誌者
沿用古地名耶抑唐時暫置是縣而史弗詳也誌云洪範九
疇之器連咎繇三德之亮比亮即量字宋元嘉二十五年馮
熊造無亮壽佛像亦用亮作量咎繇即皋陶廣均皋陶古作
咎繇漢書百官公卿表咎繇作士咎咎之變體